

شهداء المسجد

موجوع من يوم الجمعة

والقلب يأن انين

ينزف من جوه يا خال

على شهدت فى غمضة عين

غربان البين اهى حامت

ما عرفنا طريقها منين

تكبير من قلب الجامع

وصريخ اطفال وانين

دموع نزلت ومواقع

وملايكه هناك شاهدين

سجاد الارض اتلون

من دم البنادمين

افتح كراسك يا بنى
سجلنى من الشاهدين
لابس افارول وبياده
والتار راح اجيبه بزياده
كاتب على صدرى شهاده
بتنادى لمين يا ضريح
مرمى ع الارض جريح
صاعدت للسما تسابيح
نزلت م السما تفاريح
شبابيك الجامع انت
والارض بدمى اتحنت
وبنات الحور اتهمت
موجوع من يوم الجمعه*